

1. **JAVNA USTANOVA PSIHIJATRIJSKA BOLNICA KANTONA SARAJEVO**, koju zastupa direktor Ahmić dr.Muhamed, spec neuropsihijatar (u daljem tekstu: Naručilac)

i

2. **"VINOJUG" D.O.O. Sarajevo, PDV 4200368260006** koju zastupa direktor Elvira Resić(u daljem tekstu: Isporučilac), na osnovu člana 64. i člana 72. Zakona o javnim nabavkama ("Sl.glasnik BiH" 39/14) a nakon provedenog postupka nabavke putem otvorenog postupka za dostavu ponuda i Odluke o dodjeli Ugovora broj:06.2-1430/17, ugovorne strane zaključuju.

U G O V O R

o godišnjoj nabavci i isporuci roba

Ovim ugovorom se uređuju međusobna prava i obaveze ugovornih strana, predmet ugovora, snabdijevanje, cijena, način i rokovi plaćanja, isporuka roba, način rješavanja eventualnih sporova i vremensko važenje ugovora.

Član 1

Ugovor se sklapa na osnovu Odluke Direktora Javne ustanove Psihijatrijska bolnica Kantona Sarajevo o izboru najpovoljnije ponude u otvorenom postupku javne nabavke.

Član 2.

Predmet ovog Ugovora je godišnja nabavka i isporuka roba:

LOT 1. RAZNI PREHRAMBENI PROIZVODI

Predmet isporuke je roba prema ugovorenoj specifikaciji iz Priloga 1 ovog Ugovora, a koji je sastavni dio ovog Ugovora.

Navedene količine roba koje se nabavljaju su planske prema Finansijskom planu Bolnice za 2017.godinu.

Član 3.

Naručilac će prilikom preuzimanja robe izvršiti kontrolu iste, kao i povrat isporučene robe koja nije u skladu sa ponudom.

Član 4.

Ugovorne strane su saglasne da se snabdijevanje vrši sukcesivno za period od 24 mjeseca, počev od 01.06.2017.godine.

Član 5.

Dobavljač se obavezuje da će naručiocu dostavljati robu na osnovu narudbenice u roku maksimalno 1 dan od prijema narudbenice.

Dobavljač se obavezuje da će robu isporučivati u naznačenoj količini, odgovarajućem kvalitetu i ugovorenom roku na istovarnom mjestu Sarajevo, Nahorevska 248 –kuhinja Bolnice.

U trenutku predaje robe Naručiocu, Isporučilac će predati uredno popunjenu otpremnicu, na kojoj će biti naznačeno: naziv i vrsta robe, jedinica mjere, količina i cijena.

Član 6.

Naručilac je dužan nakon kvalitativne i kvantitativne primopredaje robe, uredno potpisati otpremnicu, ovjeriti je i upisati datum primitka robe.

Ako Naručilac pri preuzimanju robe, a najkasnije u roku od 2 dana, ustanovi nedostatke bitne za isporučenu količinu robe ili kvalitet robe, dužan je o tome putem sastavljenog zapisnika odmah obavijestiti Dobavljača, radi uklanjanja naznačenih nedostataka, a Dobavljač je dužan zamjeniti oštećenu robu.

Član 7.

Za isporučenu robu važit će cijene iz tenderske dokumentacije koje su utvrđene u prilogu, a koji

je sastavni dio ovog ugovora. Cijena Ugovora iznosi: 21.771,20 KM bez PDV-a, a sa PDV-om 25.472,30 KM.

Član 8.

Naručilac roba se obavezuje da će plaćanje vršiti u roku do 60 dana po ispostavljenoj fakturi.

Član 9.

Ako Dobavljač nakon zaključenja ovog Ugovora kasni u isporuci naručene robe, obavezan je platiti Naručiocu kaznu za kašnjenje pri isporuci robe i to do 1 do 1% od ugovorene cijene narudžbe za svaki dan kašnjenja, a najviše do 5% ugovorene cijene utvrđene ovim Ugovorom.

U slučaju da naručilac po toj osnovi pretrpi štetu veću od iznosa definisanog u stavu 1.ovog člana, ima pravo zahtijevati razliku do potpune naknade štete.

Član 10.

U toku vremenskog važenja ugovora, može doći do izmjena i dopuna pojedinih odredbi ovog ugovora uz saglasnost ugovornih strana, a koje će biti regulisane Aneksom, kao sastavnim dijelom ovog Ugovora.

Član 11.

Ovaj ugovor stupa na snagu 01.06.2017.godin i traje 24 mjeseca.

Javna ustanova Psihijatrijska bolnica Kantona Sarajevo zadržava pravo jednostranog raskida ugovora i prije isteka njegovog vremenskog trajanja, u slučaju nepoštivanja njegovih odredbi.

Član 12.

U slučaju da nakon zaključivanja Ugovora nastupe neočekivane okolnosti, koje ugovorne strane nisu mogle predvidjeti niti izbjeći, čija je posljedica nemogućnost ispunjenja ugovornih obaveza, strana koja je saznala za njeno nastupanje dužna je o tome pismeno obavjestiti drugu stranu, u roku od 3 dana od nastupanja više sile.

Član 13.

Sve eventualne sporove proizašle iz ovog Ugovora, ugovorne strane će nastojati riješiti u duhu dobrih poslovnih običaja, sporazumno, u pismenom obliku.

U slučaju da se spor ne može riješiti sporazumno, ugovorne strane suglasno određuju nadležnost Općinskog suda u Sarajevu.

Član 14.

Ovaj Ugovor sastavljen je u četiri istovjetna primjerka, od kojih svaka strana zadržava po dva primjerka.


DOBAVLJAČ
DIREKTOR

Resić Elvira



NARUČILAC
DIREKTOR

Ahmić dr. Muhamed
spec. neuropsihijatar



Broj: 113-06/2017
Sarajevo, 02.06.2017

Broj: 06.4-1629/17
Sarajevo, 02.06.2017g